

忒內帮鬪截緊和事曰跌掌和事不成曰肘跌掌防
事曰木掌不管曰張掌請客曰請內哈說人兇曰阿
內內窩苗語有字者十之二三無字者十之六七雖
經翻譯究難真的居民即在苗地貿易知苗語甚多
能苗言者實少能苗言而又能辨論其是非曲直者
百人不過二三辦苗事者非本地人不能也

婚嫁

苗亦同姓不婚姪與姑爲姻姪姪與叔爲聯襟則不
忌也其嫁娶亦由父母主婚媒妁相通以酒肉牛隻

乾州廳志

卷之七

苗防一

奎

爲聘嫁之日無轎馬鼓吹之迎無合卺花燭之禮其
新婦步行自擎雨傘兄弟負籠盛木枕被裙等物親
屬送至夫家歡飲三日夜則新婦與母同宿索壻家
財物而去名曰娘錢歸後乃成配偶其母所贈首飾
簪環或至十數兩數十兩不等壻家俱照數還銀不
能短少富厚之家擇女美者令其子牽其臂名曰搶
親則女不更許人女有與人私通者父母不禁以爲
人愛其美若犯其妻妾則舉刃相向必得錢折贖而
後已夫婦不相得則售其妻翁有悅子婦者則收爲

已妻而爲其子另娶兄弟故則收其妻近日申明例
禁漸知倫序矣

喪葬

苗人臨喪亦哭泣但無衣衾棺槨之殮衰麻經帶之
服人死以琰卜之隨其所卜之地掘窟三四尺鑲以
木板置尸其中以土封之後三日割牲覆墓邀親戚
食飲次年二月以牲楮祭奠子陳設在左女陳設在
右各以其類如是者三年從此不復過問無歲時伏
臘拜掃祭奠之禮初喪親友各以土物弔其家主人

乾州廳志

卷之七

苗防一

亥

則椎牛設飲謂之送哭至苗地多產藥餌有疾多祭
鬼不服藥間亦有以藥療者其藥名色詭異非方書
所載統謂之草藥或吞或敷奏效最捷然誤死亦甚
速最畏疹痘傳染故不敢遠行

種植

苗地山多田少稻穀無幾俱種雜糧於山坡包穀爲
最粟米糝子蕎麥高粱次之麻豆蕙苡又次之披其
榛蕪縱火焚之煨燼然後開墾所謂刀耕火種也種
三四年則棄其地而別墾以墾熟者爲礲瘠故也其

男婦俱勤耕作腰鑷負籠出入必具背籠以竹爲之
旁有兩耳貫以兩臂秋成以獲雜糧平時以負柴薪
至銀鐵木石等匠皆自爲之婦女亦知飼蠶惟不知
育種春時俟民間育蠶及初眠負籠以土物易去上
簇縱成抽絲染色製爲裙被等物作間道方勝等文
不甚工緻不能如永順保靖土人爲峒錦峒被峒巾
能作鶴鳳花鳥之形也績苧織布皆能之其機矮席
地而織惟不善作履以男女跣足故耳

報賽 此俗自嘉慶十年肅加勦捕後即已禁革

乾州廳志

卷之七

苗防一

奎

苗人十月農畢或饒裕之家或通寨醮錢購牯牛之
肥脂而純白純黑者先期約會親鄰戚黨男女少長
畢集結棚於寨外主客皆盛服從事賓至聲銳以被
不祥祭之時縛牛於花柱必請其母族兄弟刺之將
刺之時先刺之人必披白布拜四方然後舉槍以刺
牛仆視其首之所向以卜休咎向其室則談笑相慶
以鬼來歆也否則眾皆愀然不樂主人惶悚無地以
鬼不茹將降不祥也使苗巫鳴鐸誦咒各搥鼓鳴金
吹角掌號燒柴以祭祭畢以一肩遺先刺者餘皆分

塊而食又別割一牲火燎去毛烹之名曰火燂肉置
牛首於棚前剝長木空其中肯皮其端以爲鼓使婦
女之美者跳而擊之擇男女善歌者皆衣優伶金蟒
衣戴折角巾剪五色紙兩條垂於背男左女右旋繞
而歌迭相唱和舉手頓足疾徐應節名曰跳鼓藏或
有能歌角勝者男女各出財物爲注其男子以綢絹
女子以簪環各結隊歌徹夜不休以爭勝負勝者取
其物去負者甘心其不善歌者不敢入隊或執火巡
邏或奔走供飲饌而已歌已男女雜坐懽呼牛飲醉

乾州廳志

卷之七

苗防一

亥

飽戲謔無所不至甚有相悅而爲中葺者雖知亦不
禁名曰放野蓋樂甚則流無禮以節之也其水旱疾
疫亦知卜筮曰拋木卦剖木爲二擲地而視其仰覆
向背曰鈞梳卦以線懸梳而禱視其左右欹側上下
仰揚曰鷄蛋卦以鷄蛋置器中向日咒之咒畢蛋定
以煤塗誌其左右熟而分以線視黃白之厚薄曰着
鷄卦持鷄至野插五色紙旗於地燒以楮錢擊竹筒
禱之然後烹鷄取兩脛以竹筴測骨孔之淺深其吉
凶休咎率卜於是數者

祭祀

苗人畏鬼信巫人病則曰有鬼延巫祈禱釀酒割牲約親隣飲福名曰做鬼既祭不愈則委之於命祭後插標於門不許人入其室若不知而誤人謂驚其鬼必勒入者償所費之數復祭如前而後已是當因其畏而治之威以地獄變相亦神道設教之一法也其崇奉尊信之神曰白帝天王即三侯也每歲於小暑節前以辰日起已日止禁屠沽忌釣獵不衣赤不作樂獻牲後方弛禁稍不謹則有疾疫瘴癘為災故其

乾州廳志 卷之七

苗防一

究

虔如此遇有冤忿者必告廟搢神刺猫血滴酒中飲以盟心謂之吃血吃血後三日必宰牲酬愿謂之悔罪做鬼其入廟則必膝行股悚莫敢仰視抱歎者則遠巡不敢飲其誓必曰你若冤我我大發大旺我若冤你我九死九絕猶云禍及子孫也遠不能赴廟者建拜亭於路前盟誓輿騎過亭必下尊之至也事無大小吃血便無翻悔否則官斷亦不能治蓋苗人畏鬼甚於畏法也

警殺 此俗自嘉慶十年痛加勦捕後即已禁革

苗性嗜殺男生斂錢為貨既長治環刀佩之習蹠弩藥矢長矛鳥鎗出入與俱男女赤足健捷如飛上山下嶺間奔馬不能及荆棘毒螫不能傷凡懸崖陡坎人所不能攀援之處但斂其手足縮身如蝟呼吸至底無所磕損謂之滾坡性貪而詐多疑怖貪故自相爭劫詐故猜忌類雖夥不相聯屬多疑怖故不敢結黨類出必自奸人啖之以利始至蠢動耳其俗輕生善鬪好尋舊惡睚眦之隙動至搽戈非排解消釋往往相尋不已或強弱勢懸貧富不敵蓄憤積怨雖暫時不報俟勢力相敵慙恚有人遂糾眾執械拚命穴鬪謂之打冤家貫牛革為甲如鱗戴鐵兜盔如鉞約集黨與勞以盃酒塊肉則以死報雖殺傷無悔無行陣隊伍彼此伏土堆石塊後以鳥銃相擊或執槍械蜂擁彘突如前一人受傷餘俱奔散遇有人命不報官相驗即行掩埋雖官臨相驗必為攔阻匿不告以葬所以為一經官驗則鬼反其室舉家俱有災禍也且其性貪鄙只願得財不願償命縱力擬招抵彼以為又殺我一人警殺相報終無已時必解釋排結方

乾州廳志 卷之七

苗防一

幸

此俗自嘉慶十年痛加勦捕後即已禁革

可相安故浼人解紛曰講及以財酌死者之家曰倒骨價其主盟之人曰背箭和處之人曰牙郎又曰行人否則警覺百端禍延累世故凡有鬪傷命案不惟兇犯負嵎即苦主亦抗拒不至

巫蠱

苗婦能巫蠱殺人名曰放草鬼遇有仇怨嫌隙者放之放於外則虫蛇食五體放於內則食五臟被放之人或痛楚難堪或形神蕭索或風鳴於皮膚或氣脹於胸堂皆致人於死之術也將死前一月必見放蠱

乾州廳志

卷之七

苗防一

圭

人之生魂背面來送物謂之催藥病家如不能治不一月人即死矣聞其法不論男婦皆可學必秘設一壇以小瓦罐注水養細蝦數枚或置暗室牀下土中或置遠山僻徑石下人得其瓦罐焚之放蠱之人亦必死矣放蠱時有能伸一指放者能戟二指放者能駢三指四指放者一二指尚屬易治三指則難治四指則不能治矣苗人畏蠱不學其法惟苗婦暗習之嘉慶以前苗得放蠱之婦則殺之嘉慶以後苗不敢殺婦則賣於民間民間亦漸得其法黠者遂挾術以

取利雖前經傳中丞嚴示禁止此風不少衰也惟在賢司牧時加懲創庶此輩稍知畏懼耳

苗防一

圭

乾州廳志卷之八

苗防二

漢

建武十九年癸卯左中郎將臧宮擊武谿賊至江陵降之
後漢書臧宮

建武二十三年丁未十二月南蠻精夫相單程等據其險阨大寇郡縣遣武威將軍劉尚發南郡長沙武陵兵萬餘人乘船沂沅水入武谿擊之尚輕敵入險山深水疾舟船不得上蠻民知尚糧少入遠又不曉道

乾州廳志卷之八

苗防二

一

徑遂屯聚守險尚食盡引還蠻緣路繼戰尚軍大敗
悉為所沒 南蠻傳 光武帝紀

按尚溪雜志云苗人渠帥謂之精夫

二十四年戊申秋七月相單程等下攻臨沅遣謁者李嵩中山太守馬成擊之不克馬援請行帝怒其老援據鞍顧盼以示可用帝壯而遣之
後漢書

二十五年己酉秋伏波將軍馬援率中郎將劉匡馬武孫永等將軍至臨沅遇賊攻縣迎擊破之斬獲二千餘人賊散走入深林二月援進營壺頭賊乘高守隘

水疾船不得上會暑甚士卒多疫死援亦中病而卒

後單程等饑困監軍謁者朱均矯制告諭悉降之
後漢書

按漢郡國志是時武陵稱郡臨沅為首縣

後漢

章武元年辛丑秋七月漢將吳班馮習自巫攻破吳將

李異等軍次秭歸武陵五谿蠻獠遣使請兵
三國志

二年壬寅春二月帝自秭歸進軍緣山截嶺於蠻道狹

亭駐營自假山通武陵遣侍中馬良安慰五谿蠻於

是諸縣及五谿民咸相率響應助漢攻吳
三國志

乾州廳志卷之八

苗防二

二

吳

黃龍三年辛亥春二月吳遣太常潘濬率眾五萬討武

陵蠻
三國志

嘉禾三年甲寅冬十一月吳太常潘濬鎮南將軍呂岱

共平武陵蠻
三國志

六年癸未魏遣郭純試守武陵率涪陵民屯於赤沙誘

致諸蠻邑君進攻西陽縣郡中震懼吳以鍾離牧為

平魏將軍領武陵太守率所領晨夜兼進緣山險行

垂二千里從塞上斬魁帥百餘人及其支黨九千餘

級純等散五谿平 三國志

晉

永嘉初荆州都督王澄以南平太守應詹督南平天門

武陵三郡軍事天門武陵谿蠻並反詹討降之破銅

券與盟其後天下大亂詹境獨全 晉書應詹傳

建興三年乙亥杜弢將王貢以精卒三千出武陵江誘

五谿蠻以舟師斷官運徑向武昌荆州刺史陶侃遣

將大破之 晉書陶侃傳

咸和四年己丑長沙郡公陶侃遣諮議參軍張誕討五

乾州志 卷之八

苗防二

三

降之 陶侃傳補

宋

泰始中荆州刺史沈攸之責賤 蠻獠以財贖罪也 伐荆州於是

蠻部大亂抄掠平民至郡城下武陵內史蕭巖遣隊

主張莫 一作英 兒率將吏擊破之 南齊書南史補附 宋賦役

嚴苦貧者不復堪命多逃亡入蠻蠻無徭役強者又

不供官稅結黨連郡動有數百千人州郡力弱則起

為盜賊所居深險在武陵者有雄溪楠溪辰溪酉溪

武溪謂之五溪蠻而宜都天門巴東楚平江北諸郡

蠻所居亦皆人跡罕至自景平至昇明終宋之世荆
州為之虛弊 南史補

唐

武德三年庚辰蕭銳將董景珍始以沅陵郡降自大業

十三年蕭銳稱梁公據之凡四年 唐書帝紀補

武德初兵威遠懼諸蠻漸附始置巫錦溪富叙州

等處環治旋置麻陽隸於錦州中多大姓彭氏舒

氏向氏冉氏田氏盤據因彭處以上下溪及保靖

等州因冉處以酉陽各分土管轄土酋中環五種

乾州志 卷之八

苗防二

四

苗蠻自高岩居下者多濞溪蠻屬辰州路瀘溪自

高岩居上者名夜郎坪縣貓狽屬思南 鳳凰舊志

開元十二年甲子五溪酋領單行章亂詔楊思勗為黔

中招討使率兵六萬往執行章斬首三千級 唐書宦

宋

熙寧九年丙辰喬執中以提舉湖南常平討五溪取大

田離子二峒 列傳補

明

洪武十四年辛酉五溪蠻亂江夏侯周德興已老力請

行帝壯而遣之復賜書褒美德與帥指揮僉事張銓

等至五溪蠻悉散走 通鑑補

三十年丁丑二月置鎮溪軍民千戶所初辰州諸蠻洞

結連作亂以魏國公鄧愈為征南將軍楊璟為副討

平之改保靖安撫為宣慰使以瀘溪屬瀘溪縣改夜

即立崇山衛後省衛置崇山千戶所二十八年苗有

不服編戶籍者為亂瀘溪縣主簿孫應龍入崗曉諭

為奏減糧賦得允至是以瀘溪上五都蠻民分為十

里置所隸辰州衛陞應龍為所鎮撫取江西建昌守

乾州廳志 卷之八

苗防二

五

禦千戶所正千戶段文入京給綢印令世襲鎮溪千

戶太祖臨軒遣行諭曰朕有彈丸苗地令汝前往開

設鎮溪所撫管夷民因其利而利之汝子孫將享用

無窮又命兵部取貴州烏撒衛陳牙四川瀘州衛宋

貴為副千戶同往佐理命吏部選吏目一員布政使

撥與典史四名各賜表裏牙笏寶鈔銀帶以禮宴而

遣之五月段文至鎮溪創設衛署建立制度分一百

二十四寨為十里令渠首楊二為百夫長其崎零寨

戶一百三十名充土軍守城池寇亂則聚為軍事平

則散為民故名軍民所 地理志侯加地邊哨考

按乾州廳志及舊志地圖均以鎮溪所隸常德衛

史與他志皆不言常德府志亦言係辰州衛所屬

惟屯田至康熙初始與辰州衛並歸常德衛徵解

正德三年戊辰鎮溪所洞苗聚眾攻劫酉陽宣撫司及

邑梅長官司請兵剿捕 土司傳補

嘉靖十八年己亥篁子坪苗龍母叟聚眾劫篁子司得

禾冲等二十一村鎮溪亞會諸寨苗龍求兒等糾銅

平苗劫奪油蓬平頭五寨等處守備陳泰被劫回衛

乾州廳志 卷之八

苗防二

六

以清浪衛指揮朱衣守備鎮篁調集鎮溪所上六里

土兵六百委土指揮田應朝督率 舊志

十九年庚子正月進入爆木坪遣苗頭廖羊保詔諭是

時苗尚知懼寨出牛馬求退師三月五寨司苗侯答

保誘篁子坪團溪板栗惡黨及銅仁旦逞諸苗出劫

麻陽譚家村又鎮溪亞酉苗龍柳比叛掠平頭管理

龍騰霄掩捕被傷苗遂屯臘爾山辰沅兵備李瑜調

永保土兵委平溪衛都指揮高岡鳳同朱衣率保靖

兵六百進抵篁子坪惡黨寨委沅州衛指揮周寶領

承順兵四百進抵五寨司步款寨前撫定大小略變
排那孟叟亞保回崖口等十一寨苗頭龍遠吳得狗
等咸請隨征生擒惡首龍答已等七十七名俘賊屬
五十二名并擒侯答保解道瑜又遣辰州衛守備尤
欽傳啟忠高岡鳳督承保鎮溪兵一千進剿臘爾山
斬獲苗首二十八顆生擒一人功幾成適撫按火牌
令退隨將叛苗餘黨招撫安置侯志

二十二年癸卯召萬鏜為副都御使勦撫叛苗初湖貴
間有山曰臘爾諸苗居之東屬鎮溪千戶所管子坪

乾州廳志

卷之八

苗防二

七

長官司隸湖廣西屬銅仁平頭二長官司隸貴州北
接四川酉陽廣袤數百里諸苗數反官兵不能制是
年三月貴州苗作亂流劫麻陽諸處乃以鏜往勦撫
列傳 何喬遠名山藏

二十三年甲辰萬鏜納土指揮田應朝策誘致其酋督
兵破之鏜奏龍母叟雖降其罪大宜置重典命安置

遼東列傳 土司傳

先是管子坪土官田興爵繫辰州獄苗以其地主賄
脫歸興爵淫虐以逞苗怒燬其署以叛鎮溪苗亦叛

會貴州銅平官責苗不輸稅因移督過急土官挈印
走諸苗復騷然并起侯志

二十五年丙午湖貴苗復叛萬鏜征之不克乃授其魁

許龍保冠帶湖苗暫息而貴苗反如故列傳
名山藏

萬鏜復臨辰州集兵討苗有言鎮溪土指揮田應朝
可任使鏜因署為巡捕而應朝實狡黠陰搆承順保
靖相讐殺而兩利其賄至是益肆為奸戰則庇賊疆
梁冒功賞撫則反覆要重賞苗實未嘗見利故功久
未成鏜召苗首隴子賢子賢必得賈乃出鏜遣千戶

乾州廳志

卷之八

苗防二

八

往子賢來見鏜執以聞誅之苗亦殺賈千戶以報乃
遣監司詣賊營諭撫犒以牛酒予其魁隴許保冠帶
湖苗苦兵聽撫而貴苗未大創陽許之鏜遂罷兵還
朝未幾而隴許保吳黑苗復叛焚劫州縣無虛日御
史繆文龍言鏜勦撫皆失鏜歸罪於叅將李經事解
侯志

二十七年戊申命張岳總督湖廣雲南貴州四川軍務
討之列傳

張岳至議者猶謂撫便會苗復寇旁縣於是力主用

兵令參政王崇輯撫湖苗及近貴猶獫諸寨 侯志

三十年辛亥三月張岳大破貴州苗四月賊首龐許保

吳黑苗等竄入湖廣鎮守糾黨突入恩州執知府李

允簡去許保黑苗復糾貴苗叛魁思州府張岳檄承

保二宣慰會兵討之田應朝橫恣令酉陽兵攻平茶

阻撓官軍岳以計杖殺其叔田勉應朝懼因承順宣

慰來見岳斬之諸苗皆定惟許保黑苗未獲石邦憲

密遣人賄撫苗麻得盤等偵許保所在誘飲及醉縛

之疏聞伏誅諸守臣爭欲罷兵岳以黑苗深匿未除

乾州廳志 卷之八

苗防二

九

恐生患乃縱還其親黨而密督諸土司索之 侯志

三十一年壬子八月劉甫跡知吳黑苗襲斬其首以獻

湖貴苗平朝議設三藩總督留張岳鎮撫開府沅州

岳乃疏罷沅溪等屯更設乾州強虎等子洞口清溪

五寨永安石羊銅信小坡水塘坳水田營及鎮溪所

凡十有三哨以土兵犵蠻及募打手等數百人戍之

增設叅將駐麻陽鎮守而以守備屬焉岳遣兵備副

使高顯叅將孫賢籌備善後事宜邊境少安 侯志

萬曆三十六年戊申鎮溪所等子坪苗出劫沅州後山

及茅坪諸處兵備袁應文增設盛華哨於魚崗坡黃

會哨於水草嶺又於小坡哨添設小哨四曰水塘坳

曰清水塘曰十八坪曰杜壤 沅州志

四十三年乙卯辰沅兵備叅政蔡復一以營哨散布苗

路崎嶇難以防邊窺覷請發帑金四萬有奇築沿邊

土牆上至銅仁下至保靖泚地迤山互水凡三百餘

里邊防藉以稍固 侯志

明末苗種日繁奸民窺人者久亦變為苗往往出劫

村鄉辰沅廬麻諸邊地幾無甯歲而鎮守乾州更遣

乾州廳志 卷之八

苗防二

十

茶毒叅將魏禎遊擊向友良乾州守備唐良臣死焉

後徐祁馮莫進剿斬苗萬餘級苗始稍戢 廳舊志續辰州府志

又按故土司子孫所存傳邊錄云癸巳冬逆苗吳

老文倡亂屠戮鎮守乾州守備唐良臣遊擊向友

良叅將魏禎死之禎妻孫氏哭訴秦藩聞於永明

王遣健將徐祁馮莫四都督統兵數千四路進剿

十二月初四日進兵次年三月初十日始退與舊

志微異

國朝

順治四年丁亥恭順王孔有德至辰州永順宣慰使彭
宏樹率子肇桓領所轄三知州六長官三百八十員
苗蠻內附 明史列傳

十五年戊戌太保洪承疇克復湖南辰州諸郡始安是

年副將吳長春征苗兵不滿三百屢擊破之期年遂

盡降諸苗長春尋卒苗復不靖 傳邊錄

康熙八年己酉鎮守副將王雄以勦苗被議嗣是鎮守

副將任苗出劫相率諱匿 續府志 歷舊志

二十四年乙丑八月苗出劫鎮溪所魚梁坳守備徐進

乾州廳志 卷之八

苗防二

七

朝統兵追之深入補頂寨遇伏陷把總三員兵七十

遺民數十人辰州左都督郭忠孝統軍進討總督巡

撫卹以郭忠孝為總統以分巡道王舜年為監軍知

府劉應中為督運遣各大營兵將調永保二土司兵

助戰降沿邊三岔等二十五寨生苗排那等一十三

寨仲冬攻破地良坡及樛木營斬苗二千七百餘級

進攻補頂寨生擒吳老覽等十五人擊殺百餘人首

賊吳二過吳老叟殲於陣上十二月追至打虫等寨

復斬苗二百餘生擒二十一人時王舜年已入都即

以劉應中署其職 劉應中平苗記 黃如松平苗紀

按乾州志訛為二十八年殊失考據續府志因之

省志瀘溪志又因之訛以傳訛若非有舊文可質

誰辨其誣

二十五年丙寅正月初六日苗復聚革多等寨總統郭

忠孝乘雪夜潛從排那分軍而進次日黎明會師斬

逆苗三百餘級生擒石老虫等二十五苗餘賊奔入

天星寨憑險固拒我軍圍之急十二日賊突圍欲逃

奮擊之斬殺墮崖死者無算劉應中與郭忠孝憐其

乾州廳志 卷之八

苗防二

七

八因招諭之二月二十二日遂率眾來降 平苗紀畧

三十二年癸酉勞神寨苗復叛都司王潤討之 傳邊錄

三十七年戊寅逆苗千餘攻隘官兵七十餘人都司劉

士埭幾為所害初副將劉魁龍縱下虐苗至是苗挾

怨而叛 歷舊志 傳邊錄

三十八年已知苗復殺虜官兵數百把總即得功隘焉

恭將朱紱奉檄統楚兵及永保土司進剿得不償失

歷舊志 省志

四十年辛巳三月鎮守鎮令中營遊擊沈長祿等將兵

七百餘名攻苗老家寨而馬鞍山毛都塘等十餘寨
羣出衝陷守備許邦恒千總孫清及官兵一百二十
餘人 廳舊志 續府志

十一年壬午麻陽生員李豐王章詣哨官雷朝鑒胡
鳳等以苗害故赴愬於

朝 廳舊志 續府志

四十二年癸未九月二十四日奉

上諭湖南紅苗自明朝以來負固不服今仍劫虜我民人
牲畜生事多端其附近奸民亦搶奪人畜及事發之後

鄂州廳志 卷之八

苗防二

三

誘罪於紅苗者有之紅苗人等不可令在三省接壤之
地以爲民害着照招撫廣東八排蠻人之例遣在京大

臣前往帶荆州駐防滿洲兵一千并酌帶廣西貴州湖

南三省官兵乘此冬月直逼苗穴勒令歸誠設立州縣

庶幾民生不致若此擾害矣欽此二十六日禮部尙書

席爾達副都統圖思海徐九如荆州副都統朱清楷

師來討十月初六日復奉

上諭爾等和衷而行和則無不克不睦無克濟之事行兵

結營宜怯遇敵交戰宜勇若苗人投誠將擾害我民人

作亂者正法如敢抗拒即行進剿其未抗拒之紅苗毋

得不分玉石概行殺戮我滿兵凡遇戰恃勇以力克敵

者多爾等此番前去布置方略不可恃力其下營須擇

高處朕統師至寧夏隨時權宜并無糜費錢糧勞傷兵

民此在領兵者之權宜也紅苗投誠後看伊巢穴不可

因投降忽略仍須謹慎防備欽此十一月十二日軍至

鎮寧苗望風歸誠者三百一寨悉賞賚有差二十七

日席爾達朱滿督軍次天星寨迤東樑木營立營令

提督俞益謨帥兵攻取天星寨龍蛟洞排六梁等寨

乾州廳志 卷之八

苗防二

四

令貴州提督李芳進攻取糯糖山上下葫蘆堯河等

寨令廣西提督張旺攻取馬鞍山打即寨老旺山等

寨令鎮寧總兵官雷如攻取毛都塘老家寨兩投陽

湖亮寨七塊樹等寨十二月初十日席爾達等自爆

木營同總督喻成龍巡撫趙申喬督師應援十三日

令長沙副將高一靖等分爲四路前進所過順苗諸

寨秋毫無犯是日俞益謨攻天星寨苗恃險不動遣

望小天星寨後山崑高險樹木叢密疑有伏兵十四

日令大同叅將許士隆諸軍攀崑上攻逆苗六七百

人迎戰敗之苗懼欲竄適高一靖軍從龍蛟洞夾攻之自午至未殺苗四百九十三人生擒八人獲兵馬雜糧無算天星寨苗大懼乞降願納兵器十六日令把總蔡賓芳領健卒二十人懸梯入寨驗其虛實二十一日席爾達會諸軍親至寨口苗民咸叩首歸誠盡納其兵器是日高一靖軍由箐西口入天柱叅將吳郡軍由箐北口進大同叅將許士隆軍由箐南口進永定遊擊包成軍循箐旁越山以禦逃苗永傑軍搜箐南至大山下苗千餘人拒溝對敵我軍四集自

乾州廳志

卷之八

苗防二

五

午至未斬殺無數苗越崑而遁遇包成軍復斬苗八百餘人而李芳逃軍於是月十五日由糯糖山攀援至飛崑壘逆苗二千餘人據險以拒我軍攻奪占崑坎苗拒益力我軍暗分兩路前進斬苗七百餘人墮崑死者無算生擒三十七人十七日進至蜂箭崑逆苗千餘踞之我軍圍攻之復抄出賊後斬苗五百餘級生擒二十九人苗大潰是月十三日離馬鞍山二里許苗據其險張旺軍至令桂林副將王國用軍攻之適遊擊劉伏振越山而來夾攻之斬三百餘級苗

乾州廳志

卷之八

苗防二

六

潰奔遇柳慶營守備王朝佐復殺苗一百五十餘人十四日張旺軍抵打即山克苗從深箐突出令千總洪珍破之殺苗五十餘人十五日搜捕老旺山至衝下苗夾攻我軍把總雷啟明奮勇先登斬苗二十四級千總郭寰從東而入兵火交擊逆苗死者八十餘人王國用軍合擊之殺苗一百餘級劉伏振領軍邀其歸路復斬九十餘人獲器械甚多而雷如軍亦以是月十三日率保靖土司彭澤虹土兵勦毛都塘大寨攻圍既急苗潰而奔追斬五百二十餘人生擒十人十五日我軍分兩路架梁而下令土兵搜箐而入雷如復督兵山巔逆苗砍樹塞道我軍奮擊逆苗死者六百餘人擒男婦五十一人十六日移軍還攻兩投陽殺苗百十五人獲苗婦六人二十日偵知逆苗匿於垢喇崑後箐洞隨密令遊擊史讚胡連諸軍并保靖土兵分四路進逼斬苗首二百三十五人獲苗婦九人牛馬器械不可勝計十日之間巨逆既殲餘賊悉平遠近苗猶感懾服願輸課比良民席爾達諸軍乃奏凱班師而還

苗志 廳舊志

四十七年戊子鎮守鎮總兵張谷貞始至即擒攻叛苗

十餘寨自後遇苗逆猖獗率兵剿滅之苗始畏服不

敢妄動鳳凰廳志

五十年辛卯九月總督鄂海巡撫潘宗洛提督額倫忒

奉

命巡邊宣播

大威以招徠之毛都塘苗人吳老鐵及乾州各渠長皆輸

誠願為編氓撫苗碑 續志 苗志

雍正六年戊申六里苗叛兵備道王秉由鎮守直搗苗

乾州廳志 卷之八

苗防二

七

巢總兵周一德由乾州進剿遂平苗亂割乾屬六里

苗地開永綏廳一德至乾州知苗畏鴉溪三神許言

夜夢三神許賜神旗相助乃製旗秘

乾隆四年己未巡撫馮光裕上疏言鳳乾永三廳苗人

約共二千餘寨其最强鳳凰則栗林牛練塘大五頭

小五頭鴉蘇盤若諸寨永綏則花園通溪補毫秀尚

盤鵲諸寨乾州則陽孟大勞神小勞神諸寨近時乾

州 各寨尚不敢滋事以前鎮臣張谷貞在任數

年遇有不法之苗即發兵掩捕稍抗拒即行剿滅故

至今猶知畏法惟鳳凰永綏各寨苗情抗悍如花園

之石馬堂王乃寨之吳老保通溪寨之隴得乍栗林

寨之隴三保鴉蘇寨之隴老課等皆肆行不法又盤

鵲泥寨苗子拒捕戕官地方官僅如鄉里者約勸諭

排解殊非整理苗疆之道臣飭辰永沅靖兵備道楊

輔臣會同營弁帶兵數百巡歷栗林地地方令將兇苗

隴三保等放出而寨險人眾抗不服拘他如鴉蘇盤

鵲諸寨兇苗亦無一名就獲似此損威失重不如不

帶兵前往猶有虎豹在山之勢臣愚以為栗林鴉蘇

乾州廳志 卷之八

苗防二

六

盤鵲數寨當此履行不法之時正宜聲明其罪指明

兇首勒令擒獻審實正法然各苗恣肆已久非一二

百戶捕役之所能擒必須派撥大兵三千另派武職

大員統領前往可以迅速完結與其兵少而苗人不

畏拖延時日不如兵多而苗人喪膽尅期奏功也奉

旨以署鎮守總兵劉策各為總統以兵備道楊輔臣驛鹽

道馬靈阿副之是役統兵千二百名於十二月進圍

鳳凰隴屬之栗林寨苗酋隴三保隴

柳補九人來降進圍永綏之盤鵲泥寨先是寨苗隴
老狼屢肆竊掠秀尚沆把總張琦率兵捕之多為所
傷殺至是猶恃險抗命遂焚勦之生擒隴老登等八
人男婦十二人貫耳者五人十二日請稟寨石老畢

四人降

五年庚申葦衝排楚寨苗楊三楊老科索賄肆傷弁兵
乾州廳同知王瑋會營弁擒之衆苗相聚插血爲變
自四年十二月二十九三十日及今正月朔日阻河
截辰州府所解軍糧且橫踞陸路要挾官兵初九日
署總兵劉策各統軍二千二百人往剿葦衝諸苗拒
敵傷我兵五人陣亡者四人而他寨苗黨數百人欲
抄出官兵後夾陣而攻道經寨陽值同知王瑋所練
鄉勇數十人阻之羣懼而退劉策各督其軍奮擊之

乾州廳志卷之八

苗防二

九

賊望救不至十二日遂敗奔斬逆苗石三卡等男婦
三十七人生擒首逆楊把狗石六月等六十餘人二
月初一日復擒補毫逆苗石喬保石把沙父子初三
日始班師

六十年乙卯正月貴州松桃廳苗石柳鄧等叛永綏廳
苗石三保等應之肆逆於王瓜寨三廳苗人響應鎮
筭鎮明安圖率兵八百親往彈壓適永綏協副將伊
薩納同知彭鳳堯率兵至遂與合兵會剿二十二日
至鴉酉寨爲苗所困二十三日至奔尙全軍敗沒廳

平隆苗入吳八月二十一日誘引鳳苗滋事二十二
日遊擊陳綸率兵至兩岔溪堵禦爲苗所敗逃赴辰
州苗遂進圍廳城城僅土垣無兵同知宋如椿督率
士民守城二十三夜城陷以印交巡檢江瑤送辰
州自刎死瑤亦遇害子胡棟懷兩印走轉尋父尸亦
死之苗逼屠城鄉官解民舍佛寺神廟焚毀無遺
巡撫姜晟奏請厚積兵力剿苗

上命雲貴總督福康安湖廣總督福甯帶兵剿苗四川總
督和琳帶兵會剿復

乾州廳志卷之八

苗防二

十

諭姜晟獲苗百戶楊國安楊清委員解京其遊擊陳綸並
著於傷痕平復迭京詳問苗防紀事銅仁府小營寨苗
弁捕之遁入楚境遂糾衆攻臨大塘各汛焚掠松桃
廳正大營正月十八日永綏黃瓜寨苗石三保焚掠
永綏副將伊薩納同知彭鳳堯以兵六百往捕先誘
石三保之弟石有保拘城中復責衆苗縛獻石三保
時鎮筭總兵明安圖亦領兵八百往彈壓二十一日
會營於鴉酉洗是夜苗集萬餘盡焚民居圍鴉酉勢
洶軍中只有短刀無火鎗且衆寡不敵鎮筭右營
中營苗及乾州三岔坪苗皆同時蠢動火光數十里
不絕鴉酉距鎮筭七十里糧食火藥不能直達惟距
永綏較近遂議餌苗以利蠶擁隨行沿途益衆官兵
不食已兩晝夜苗要脅盡釋刀械乃許往永綏一老
卒獨按劍不釋苗遂鎗矛齊發軍士束手就斃伊薩
納先死明安圖行至奔尙存兵數十尙與苗議撫而
第已及其首鳳堯徒步頓踏不能進亦死之遂圍永

綏時二十三日也三公坪苗亦於是日圍乾州右營中營苗遂攻鎮守時綏軍承綏兵隨總兵副將出者俱陷沒永綏城中僅餘兵二百吳開泰葛士鳳率士民晝夜嬰城守乾州城僅有土垣遊擊陳綸往強虎哨至兩岔溪為苗所阻逃去城中虛無兵同知宋如椿督老弱守城明日城陷以印交巡檢江瑤送辰州自刎死瑤遇害于朝棟懷印走亦死之初永綏廳城深設苗巢城外寸地皆苗至是民相望點遊奸苗倡言驅逐客民奪還苗地羣寨響應爭殺百戶起事苗防備覽百戶與辦苗外委多漢奸承充遇苗戶事件輒藉端橫索苗不堪其擾乙知之亂諸百戶多不免

命領侍衛大臣額勒登保德楞額泰往贊軍務

二月初二日湖南巡撫姜晟馳至辰州分兵援瀘溪

保靖初四日湖廣提督劉君輔督兵二千名至鎮守

乾州廳志

卷之八

苗防二

三

十二日湖廣總督福甯至辰州調集湖廣諸軍赴鎮

二十六日苗攻瀘溪縣城時瀘溪居民盡竄僅餘

空城知縣黃炳奎招集乾州難民嬰城固守遣難民

四十餘人禦苗於虎頭橋却之次日苗大隊撲城日

晡鎮守總兵袁敏泰將穆登額督兵擊苗走之閏二

月福康安合雲貴兵連解嗅腦松桃正大營諸城圍

黔苗略定和琳亦勦散四川界秀山諸苗使重慶鎮

總兵袁國璜駐守棚門小溪而自馳赴松桃與福康

安合兵時永綏被圍已兩月餘乃遣貴州安籠鎮總

兵花連布將精兵三千餘人往援首破苗於盤石營

進攻克算子均葫蘆坪滾牛坡且戰且前三月抵永

綏又破水洋寨賊圍始解劉君輔領兵八百由鎮守

繞道辰州至保靖與湖北宜昌鎮總兵張廷彥合兵

永綏西北路苗據花園斷浮橋以遏官軍君輔率湖

北鄖陽守備于天祿等結筏直渡奪其石卡所從杉

木溪土兵三百餘皆健戰遂克復花園令廷彥守之

四月官兵破土空苗繼鄕黃瓜寨以副將富志那守

永綏時兩總督畢沅駐辰州總理軍需福甯統兵駐

乾州廳志

卷之八

苗防二

三

鳳凰將由瀘溪復乾州出師九十里至狗脊崙俾苗

千餘拒之麻陽紳士滕家瓚招乾州鄉勇前隊攻苗

屢戰皆捷會營弁率外府兵禦苗遇伏敗歿苗遂乘

勝攻大營鎮算兵據險却之奪還弁尸大營兵衆聞

風驚潰福甯坐輜重中昇還苗遂出擾瀘麻復攻鎮

守福甯急請荆州滿營兵二千來援是月總督畢沅

巡撫姜晟招承順龍鼻嘴等處土苗數十寨至辰州

投誠時有協捕官臬司阿彰阿駐鎮算日以詰捕漢奸為事兵役擒獻邀賞者日眾民免死者無算

時四川將軍觀成至始下令止之阿彰阿旋嘔血死

劉君輔在永綏城欲復開鵬保北路提孤軍轉攻至
登高坡苗圍之數重急遣卒赴花園棚門兩軍請援
而身冒死斫出重圍鄉勇游連貴力護之身無完膚
至隆圍遇袁國璜張廷彥兩援兵已而仍令回營守
禦君輔遂移營龍圍時花園隆圍各設糧臺欲以餉
永綏而鵬保汎路復梗塞先是福康安和琳兩大帥
由黔來從銅仁正大營得達楚苗深巢東指乾州道
既險遠君輔初請五路進兵使賊首尾難顧不聽苗
遂專伺大營所向輒傾各寨悍苗拒險盤踞復圍永

乾州廳志

卷之八

苗防二

三

綏時永順土苗張廷仲請効力討賊廷仲先與蕩它
苗石大貴攻殺九谿遊擊捕獲福康安釋令堵殺大
貴冀收以苗攻苗之效自是永保一路得資其力
五月總督畢沅巡撫姜晟撫定乾州寨陽軌者等寨
及永順保靖永綏西北苗貳百數十寨
六月苗首石大貴等率乾州六十餘寨苗頭詣辰州
投誠
七月大軍克爆木林大烏巢河猿猴寨狗腦坡抵古
丈坪自古丈坪抵楊柳塘副護軍恭領定札勒遊擊

額爾登都司葉攀鳳守脩聶世榮副遊擊趙得功
馬登朝等俱帶傷陣亡荆州協領觀音保因追剿落
河死其餘帶傷陣亡弁兵俱咨部請卹

八月克烏龍岩楊柳坪及茶陀柳秀時永綏復久破
四富志那告急先後數十營皆為逆苗所害最後遣
二卒似苗裝畫伏夜行始達大營乃遣四川提督
克登阿往援劉君輔由隆圍入於是城圍復解鎮守
袁啟帶兵及京濟義民剿破瀘溪沿途滋事苗匪遂
至能難繼本州總兵蘇雲由鎮守前往助之

乾州廳志

卷之八

苗防二

孟

九月總兵袁敏蘇雲山能進軍潭溪十五夜苗裝畫
營張子涵子全率義民乘月山龍平川濟夾擊苗與
大敗之追至板橋溪而還
詔福康安晉封貝子和琳封一等宣勇伯出力各將士並
加獎卹
十月克摩手寨大坡腦得勝山高岩喜鵲坡尖岩山
等寨圍鵬保寨時所至招撫凡苗酋降者皆許奏賞
官秩花翎散勇來降亦優給金帛吳龍登乞降許設
城自効隨...

時傅寵以雲南寧洱縣知縣
隨雲督福康安軍前辦事
按吳半生即添半一人

兩名鳳凰志六月擒添半似誤

總督畢沅巡撫姜晟撫定瀘溪乾州乾州獠瀘溪大章頭

人張子宏小章頭人張天運乾州溪口頭人張興道

等率四十八寨詣辰州投誠糾集丁壯聽候調遣十

一月初三日吳龍登率降苗誘擒吳八月于卧盤寨

初七日又縛送賊首隴五帥隴老三等十二日吳八

月之子吳廷禮廷義糾平隴龍牙等處生苗數千由

高巖襲據鴨保寨大軍擊却之十四日廷禮等率平

乾州廳志

卷之八

苗防二

三

隆苗焚寨陽楊進元軌若石上進下三岔坪吳廷舉

等降苗寨落楊進元等詣辰州赴懇請隨官兵打仗報

督總督畢沅巡撫姜晟遣往潭溪營聽候調撥十九

日平隆苗犯浦市桐山防禦官弁督兵及鄉勇拒之

上月初三日大軍攻克櫟木營及岑頭坡初六日鬼

猴溪苗詣營乞降進軍地良坡

嘉慶元年丙辰正月初二日貝子福康安宣勇伯和琳

督師進克吉吉寨乾州大礮崗草子坪河洛各苗寨

六百餘戶斗角巖尾坡九十九崗苗俱出降送出所

虜漢民子女百餘人降苗麻老貴擒獲苗酋賞給七品

頂戴

十五日克連雲山奉

旨賞資各官弁有差給兵丁一月錢糧陣亡和司程文韜

守備馬周等加一等議卹

二月十一日克壁多山生擒賊苗石老巖巒割示衆

十六日奉

諭福康安和琳奏平隴乾州一帶山深蔽阻後路延長兵

力不敷已降旨於附近省分調兵萬餘竝

乾州廳志

卷之八

苗防二

三

命於巴圖魯侍衛章京內派二十員赴軍營調用護軍參

領常山清江協副將德勝陣亡加等優卹二十二日總

督畢沅往湖北當陽二十四日克高吉坨抵巴金灣

獲賊苗石老宜漢奸黃世敏等斬之

三月初一日克平逆坳初五日攻岑頭坡抵禾粟山奉

旨陞補出力官弁丁勇給與鹽菜口糧把總吳尙賢陣亡

照千總例予卹 二十三日官兵克納共山進克貴道

嶺抵長吉寨攻圍石城此間山皆陡削下臨深淵卒

巒層疊卡隘紛列逆苗平高瞭望守禦甚力是日各